

Urue ñue uiñua uai bie kai yuano

Se cuenta cómo cuidar al niño

Hipólito Candre (HC)

Adofiki (Cordillera), río Igaraparaná, septiembre 2, 1992

Mei eroiadi onoiga, eroñeniadi mei jaka be ñue itikue, daidikai.	HC
Ua mei kionaita ua be ñue ite kai daiiri.	HC
Niie uai ua bie yotikue aki daii uuritikue, meita ua ñue ite daide.	HC
Ie mei ua ñi uafuena bie itino mei uriya.	HC
Ie mei kai komedikai ua abi eroidikue, kai iyano eroidikue.	HC
Ua meita ñue ua kioide dainano jiairuido aki dino kai uaitaga daii uuritikai iadi minikana kioñedikai, daii uuritikai iadi ua iñede.	HC
Jiai aki dino taino, kai ikoinia iñede.	HC
Ie nieze mei ñue iyafue mei kai komekimo ite.	HC
Jae daiita urikano bitikue daani kai dibenedo urikano bitikai iadi bie izoide.	HC
Aki daii kai ja dano kai uaitate.	HC

<p>Ie jira koni kioidikue, daide, ba kioñedikueniadi mei nia taino daidikue.</p>	HC
<p>Ie fia ba ua ba birui kai raana itino iñena onina jira daii kai komeki uurite.</p>	HC
<p>Ie mei nii uafue kioidikai daina ba jitaingona ite, jitokomena ite, jizakuruna ite, eikomona ite, ua nñie.</p>	HC
<p>Ie jira fia batino mei ua iñenia jira be daii uuritikai iadi kioñedikai.</p>	HC
<p>Ie jira aki dinori kai uai feeitate.</p>	HC
<p>Raana kai oiakadikai o finoakadikai, jafue kai komeki finode, figo ua raana mei ua kai komekimo iñedino.</p>	HC
<p>Ie jirari, ¿nibai mei aki daii daidikue?, meita ua ñue ite ua ba riama raa nana ua kuemo iya uuritikue ieñede.</p>	HC
	HC
<p>Ie mei fia abi ua jifoye iñena iadi figo ieñede.</p>	HC
<p>Ie jira bie izoi komuidikai, kue jenokano ua bie izoi komuide.</p>	HC
<p>Ie kue mei ua eikomedikue, ¿nibai mei ua batinori bie jae jaka kai komuiya izoi komuidikai?</p>	HC
<p>Ie mei be nña, daide, bie ua zoofetikue ua jamaiena faitikue, nña mei ua jamaiena faitikue, dino izire ote.</p>	HC
<p>Ie jira bie afeno kue rairuiadi, afeno eroidikue, kue iniano, kue irai fue ingo iniano.</p>	HC
<p>Bie mei nña ie baifemo mei ite iadi mei ua onidikue.</p>	HC
<p>Ie jira iobiyano uurite, iobiyano</p>	HC

taijide, iobiyano raiide.

Afeieri kaimare uhuride, afeieri
jiyode.

HC

Ie kigimo eroide, kaimare, duerede
iadi, nii kai mairie erokaidemo uu
daide, ja bie izoide.

HC

Ie jira bie ua ζnieze ñeyena?, daide,
ζnieze ñeñeieye?, daide, bie daama
kue abi, daide, daama kue uieko,
daide, daama kue komeki, daide,
daama kue izido, daide, daama kue
ui, daide, daama kue onokai, daide,
ja dino erokaidemo jiaie kome,
uafue, daide, bie jenodikue, bie nii
mei ua iñena jira.

HC

Aki ua kai iyano, nii raana itino, nii
uafuena itino.

HC

Iemona bie izoi iteza oni taijiiitikoko,
daide, ie jira irai fue ingo yote, bie
moonaiyeza, bie ekayeza taijiiitikoko,
uafue, daide.

HC

Diga uai uibiñeno iri, diga uai
kakareñeno iri, bie koko
moonaitayena, dainafuena uurite, bie
diona, jiiibina.

HC

Ie jira aki dino rairuirede mei
jiaifuena uitanide, joonenide, mei bai
batinomo ja kai dano ua ja uruena
jaaidikai.

HC

Ie yezika baimaki iya mairiedo ite, ie
jira.

HC

Ina birui kaimo ite, ie yezika be daii
iñeitikue daiinide, danomo jaaidikai.

HC

Ie jira mei kai mairiena ja komuide,
kai uaina ja ite, ja ei daidikai, moo
daidikai.

HC

Ie kai ei iñede iadi kai ei ifo kai
meidoga, kai moo ifo kai meidoga;
meita ja mooredikai, ja eeiredikai,

HC

uafue, daide.

Ie jira akie izoi kai iya jira mei biuai
dano ñue kai joonega, nii ua kai
uaina iite.

HC

Iemona oni ua raa kai jenuano, oni
taijiafue, oni ba fue urue guiye
minika kai jenuano.

HC

Ie mei aki ua afenona ite, daina
kome.

HC

Ie abina aki daiitade iadi mei diga
uai ebirede jaka ite, figo kai urue
izoñede, ebirede uai ite jaka.

HC

Ie jira afeimo oni urueredimie oni
jaaide, ie jaka eikomedikue daina
iadi afe oni jaiya.

HC

Ie jira ja ua afeno ua ba oñeyena aki
daii uriadi mei onoiga.

HC

Ie mei ua batino daii ia aki dino daii
ite iadi onoiñega.

HC

Ie jira uibiñoga, ie jira yoga,
urueredimie mei urue onoiyena aki
daii uurite.

HC